

"Guanta duro muchanan. Man na ^{Calon na Dios Oran} **24ora.com** i Patria!". Ata aki un sita foi speech ^{Prome den Noticia} di nos gran heroenan di lama, dirigí a promé a habri fuego riba enemigo.

Siglonan despues, e mes palabranan aki ta rezoná den corazon noble di nos compatriota balente S. J. A. Ecury, conocí en general aki banda como Boy Ecury, kende a laga bida pa Madre Patria, no na cañon, ma pa medio di e movimientonan patriótico ilegal cu na Holanda tawata coopera cu forzanan di terra, di lamá i di Aire, pa corre cu e enemigo atroz cu a bin mancha cu sanger di tanto inocentenan e suelo Paterno adorado.

Voznan a voga pa laga traha p'e joven heroe aki den su propia cuna n'Aruba un monumento, cu por sirbi pa nos descendientenan como un sermon pa propaga amor patriótico.

Tur hende cu a lesa "Amigu" i "Beurs" di fecha 23 di October ta na haltura di e cooperacion di Boy n'e movimientonan patriótico ilegal na cual el a agrega su mes como voluntario cu animo i sin miedo.

Su celo pa yuda su projimonan no a conoce límite, no obstante el tawata sábi bon cu lo e mester laga bida pa peloton di fuego aleman, loke lastimamente a sosodé tambe.

Miembros di ilegalidad e tawata sabi di sconde, prisionan e tawata yuda duna libertad, pa judiewnan oprimi e tawata habri campo pa nan hoei, pilotonan desorientá e tawata muestra camina, i asina, e trabao di mas peligroso el a tuma riba dje i esaki a costa di su propia bida joven. Riba campo di honor el a perde bida pa Dios, Oranje i Patria!

Pesei ciudadanonan, duna honor na es cu ta merece! Laga nos contribui junto pa mantene e number di e heroe di guerra aki cu tur honor.

E comision cu a tuma e tarea mencionado aki, lo apela pronto en solicitud di boso apreciado cooperacion pa por hiba a cabo e iniciativa aki cu boso yudanza financiera, confiando cu boso tur lo ta persuadido, cu e movimiento aki ta toca na UNO, cu tawata tin pa lema: "Pa Dios, Oranje i Patria!"

E COMISION.